

Na osnovu člana 16. stav 4. Zakona o Vladi Zeničko-dobojskog kantona-Pročišćeni tekst ("Službene novine Zeničko-dobojskog kantona", broj 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 68. sjednici, održanoj 01.09.2016. godine, d o n o s i

ZAKLJUČAK

I.

Prihvata se stajalište Ministarstva za pravosuđe i upravu po Inicijativi zastupnika u Skupštini Zeničko-dobojskog kantona Hašima Mujanović, pokrenutoj na 4. sjednici Skupštine Zeničko-dobojskog kantona, održanoj 18.2.2015. godine, za smanjenje broja ministarstava u Vladi Zeničko-dobojskog kantona, na način da se spoje poslovi Ministarstva financija i Ministarstva za gospodarstvo koje bi se zvalo Ministarstvo za gospodarstvo i financije, odnosno spajanje Ministarstva zdravstva i Ministarstva za rad, socijalnu politiku i izbjeglice, koje bi se zvalo Ministarstvo za rad, zdravstvo, socijalnu politiku i izbjeglice.

II.

Zaključak sa Stajalistem Ministarstva za pravosuđe i upravu, broj: 06/02-01-3977-4/15 od 22.8.2016. godinu, upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/16.

Datum, 01.09.2016. godine

Z e n i c a

PREMIJER

Miralem Galijašević

DOSTAVLJENO:

1x Stručna služba Skupštine,

1x Ministarstvo za pravosuđe i upravu,

1x a/a.



Broj: 06/02-01-3977-4/15
Zenica, 22.8.2016. godina

Vlada Zeničko-dobojskog kantona uputila je ovom ministarstvu inicijativu Hašima Mujanović, zastupnika u Skupštini Zeničko-dobojskog kantona, za smanjenje broja ministarstava u Vladi Zeničko-dobojskog kantona, radi davanja mišljena povodom pokrenute inicijative. U tom smislu Ministarstvo za pravosuđe i upravu daje slijedeće

STAJALIŠTE

Zastupničkom inicijativom zastupnik u Skupštini Zeničko-dobojskog kantona Hašim Mujanović, pokrenutoj na 4.sjednici Skupštine Zeničko-dobojskog kantona, održanoj 18.2.2015.godine, predlaže se smanjenje broja ministarstava u Vladi Zeničko-dobojskog kantona, na način da se spoje poslovi Ministarstva financija i Ministarstva za gospodarstvo koje bi se zvalo Ministarstvo za gospodarstvo i financije, odnosno spajanje Ministarstva zdravstva i Ministarstva za rad, socijalnu politiku i izbjeglice, koje bi se zvalo Ministarstvo za rad, zdravstvo, socijalnu politiku i izbjeglice.

Ustav Zeničko-dobojskog kantona u članku 46. stavak 1. (Amandman XXXII) propisuje da Vladu Zeničko-dobojskog kantona čini premijer i ministri ministarstava, čiji se broj utvrđuje zakonom. Zakon o Vladi Zeničko-dobojskog kantona ("Službene novine Zeničko-dobojskog kantona, broj:7/10 - pročišćeni tekst) sukladno navedenoj ustavnoj odredbi u članku 6. stavak 1. propisuje da Vladu Zeničko-dobojskog kantona čini premijer i deset (10) ministara.

Zakonom o kantonalnim ministarstvima i drugim tijelima kantonalne uprave ("Službene novine Zeničko-dobojskog kantona", broj: 10/15) u članku 9. utvrđeno je deset ministarstava kao i naziv istih. Ostalim odredbama navedenog zakona utvrđene su nadležnosti i poslovi ministarstava Vlade Zeničko-dobojskog kantona tako u članku 8. propisane su nadležnosti Zeničko-dobojskog kantona u oblasti financija u članku 9. istog Zakona propisane su nadležnosti Kantona u oblasti gospodarstva, članakom 11. navedenog Zakona propisane su nadležnosti Zeničko-dobojskog kantona u oblasti rada, socijalne politike i izbjeglica a u članku 13. istog Zakona propisane su nadležnosti Kantona u oblasti zdravstva.

Navedenim odredbama članaka Zakona, decidno je utvrđeno koji stručni, upravni i drugi poslovi se obavljaju u okviru Ministarstva financija, Ministarstva za gospodarstvo, Ministarstva za rad, socijalnu politiku i izbjeglice, a koji poslovi se obavljaju u okviru Ministarstva zdravstva.

Zakon o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) člankom 33. propisuje da se organi uprave (ministarstva, uprave ...) osnivaju se na način koji osigurava potpuno, efikasno i racionalno obavljanje svih upravnih i stručnih poslova iz okvira nadležnosti Federacije, odnosno iz nadležnosti kantona, a u općini i gradu iz okvira lokalne samouprave općine, odnosno grada i efikasno ostvarivanje prava i izvršavanje obaveza građana i pravnih osoba.

Po pokrenutoj Inicijativi smo aktom, broj: 06/02-01-3977-3/15 od 28.4.2015 godine, dostavili odgovor na zastupničko pitanje.

Također, smo Prijedlog Zaključka sa mišljenjem po Inicijativi zastupnika Hašima Mujanović za smanjenje broja ministarstava u Vladi Zeničko-dobojskog kantona uputili na Vladu koji je Zaključkom Vlade Kantona, broj: 02-05-11149/15 od 13.5.2015 godine, skinut kao točka sa dnevnog reda 10. sjednica Vlade Kantona, na prijedlog predlagača.

Ministarstvo za pravosuđe i upravu je i u tijeku Javne rasprave o Nacrtu Zakona o kantonalnim ministarstvima i drugim tijelima kantonalne uprave provedenoj u mjesecu listopadu 2015. godine, se izjasnilo po predmetnoj Inicijativi poslanika Hašima Mujanović i kroz Izvještaj o provedenoj javnoj raspravi o Nacrt Zakona o kantonalnim ministarstvima i drugim tijelima kantonalne uprave, broj:06/02-02-11813-6/15 od 19.10.2015. godine, koji je Skupština prihvatila a po tom i Prijedlog Zakona o kantonalnim ministarstvima i drugim tijelima kantonalne uprave ("Službene novine Zeničko-dobojskog kantona", broj: 10/15) sa utvrđenim brojem ministarstava kao u Zakonu o Vladi Zeničko-dobojskog kantona.

Također, smo u postupku izrade navedenog Odgovora na zastupničko pitanje, pribavili stajališta i navedenih ministarstava iz Inicijative i Tajništva za zakonodavstvo, koja smo veće ranije dostavili zastupniku, a kod kojih su navedeni organi ostali i u svojim izjašnjenjima po provedenoj Javnoj raspravi na Nacrt Zakona.

U svakom slučaju, za drugačija rješenja je potrebno prethodno usaglasiti, odnosno izmijeniti Zakon o Vladi Zeničko-dobojskog kantona, a po tom i Zakon o kantonalnim ministarstvima i drugim tijelima kantonalne uprave.

Imajući u vidu navedeno, donošenjem pomenutog kantonalnog zakona stajališta smo da je Skupština Zeničko-dobojskog kantona procijenila da se utvrđenim brojem ministarstava osigurava efikasno i racionalno obavljanje svih upravnih i stručnih poslova iz nadležnosti Zeničko-dobojskog kantona te smatramo da predložena inicijativa nema opravdanje.

S štovanjem,

Dostaviti:

- 1 x Naslovu
- 1 x Stručna služba Skupštine
n/r Tajnika Skupštine
- 1 x U pismohranu

MINISTAR

Mirnes Bašić